

鄱陽縣志卷之八

學校

學校志教也教欲專也亦欲備也故首黌  
官則廸訓于是率也繼以書院待來學也  
白鹿嶽麓為之倡也始而蒙養則社學亦  
家有塾也而必徵於文獻典籍具焉兼此  
數者專矣備矣斯可以作士矣作學校志

黌宮

儒學在朝天門外東湖濱大成殿南面兩廡

鄱陽縣志 八卷

學校 一

翼其前環以戟門前為泮池又前為櫺星門  
大門列櫺星門之左覆以青雲樓殿後為明  
倫堂前介進德修業二齋堂後為尊經閣閣  
右為教諭廨訓導廨夾之廨前為射圃又前  
為號舍戟門外右偏為鄉賢祠庖湍廩庫各  
有其所今屢更造盡非舊式矣

按舊志縣治東舊有文翁宅疑為漢時學

宮遺址晉內史王廙創學北門今靈芝門生徒

至八百人繼以虞溥興修梁太守柳惲亦



復增葺唐制縣得立學宋景祐間范仲淹

知饒州指城外督軍湖北可為學基謂湖

督軍臺為印效果浮圖為文筆未及遷代

去慶曆間張譚來守為成其志學徒幾千

人而縣學尚未置時朝議大夫趙大至立

家正面磨滅碑陰尚存○又按一統志載浮

梁程克俊發宣和間進士累遷給事中時

鄱之學宮經兵火或請於朝以為墓地有

旨可其奏克俊封還制書學得不徙此即

張譚所成之州學也克俊不可謂非鄱學

之功臣官至叔叅知政事易名章靖有以

夫淳祐間知縣周還淳始就北門內州學

鄱陽縣志 八卷

學校 二

舊基有戊卒蔣春芳家掘井得碑模

之濱卒遷之因以元末燬于兵明洪武二年

知縣韓子敬教諭王釐暫於錄事司開教

五年知縣林伯齡遷北隅興賢巷帝師殿

舊址歷知縣聶瞻任勉雷升相繼修治弘

治間御史王宗錫陳銓提學副使邵寶按

饒知縣翁永年教官李源王矩從生徒意

請復舊址仍遷東湖濱正德間知縣陳良

翰教諭周澄改殿堂方位以正知縣周震



趙榮顯遞加修葺嘉靖間知縣徐俊民繕  
治一新增創號舍四十間建尊經閣副使  
范輅市民居以廣學門之基白湖寬敞嘉  
靖十年知縣蔣瑜移櫺星門捐築池獲一  
土鳳知縣莊思寬繼改路并建坊三座教  
諭俞應龍移門作壬丙向殿宇尋壞萬曆  
十二年知縣程朝京移明倫堂大成殿稍  
東改建啓聖祠於右廡後修葺不能盡述

國朝

康熙元年知縣程世章守道高得貴及

鄆陽縣志

八卷

學校

邑之紳士咸捐資助修明倫堂重新啓聖  
祠唯正殿久頽度非大工力不可七年新  
任知縣盧元培甫下車見之毅然以爲已  
任卽日鳩工庀材踰時而功成葺圍有加  
于前云

考釋奠禮附府學行畢縣長官具三物謁  
拜知縣蔣瑜始定少牢行釋菜禮籩豆如  
制後益增飭至二仲月丁日祭服行三獻  
禮



鄉賢祠在戟門之右祀本邑先賢晉大尉長  
沙郡公陶公侃宋禮部尚書彭公汝礪宋  
進士梅山先生周公厚元叅知政事周公  
伯琦明典籤博士劉公彥昂處士何先生  
英大理寺少卿胡公閏行人司左司副余  
公廷讚潁州知州嚴而泰

卧碑明洪武十五年禮部頒降立石

射圃明洪武三年立二十五年重定習射儀

永樂三年申文久廢萬曆十六年提學朱

鄱陽縣志

八卷

學校

四

廷益舉行本學師生訂正射禮刻行  
書院

學堂去縣東九十里郭璞山下世傳吳芮讀  
書之所

番江書院在城北不詳創始相傳朱子門人  
金去僞講學處絃歌巷卽其地

忠宣書院在郡治西卽丹霞觀舊址正德開  
勅祀洪忠宣公

玉溪書院處士何梅谷所建以納天下來學



之士久廢

浮洲書院在浮洲寺一名樂此軒郡侯應鳴

鳳建久廢

湖東書屋在縣學右一名小學內有范文正

公朱文公像

芝山書院舊在胡公祠東明末盡圯

國朝

順治九年知府翟鳳翥改建于府學明

倫堂西祀朱子以合郡理學名賢配康熙

三年又遷啓聖公及四先賢神主于前廳

鄱陽縣志

八卷

學校

五

祀之而殿宅仍為諸生誦讀之所

里仁書院在西隅八畝胡公祠之右故明淮

籓長史藩一諤即住宅為之今地

希賢書院在

茶塲巷西康熙二十二年

建巡憲查培繼講學處

滙源書院在永平關画橋東康熙二十二年

建郡侯黃家遴講學處

社學

政清巷

屋三間有門牆



東關在關王廟右即舊學址建之屋三間

東北關有門周繇以垣建之屋二重各三間周

中棚巷有垣建之屋三間有門兩傍

月波門內中堂祠建之屋三間有門磚

慈孝坊即東塔寺隙地建之屋三間有門

迎暉巷五條巷在東隅

番君廟在西隅 大龍橋 清風閣在南隅

胡公祠在西隅前堂楊世德捨後毀公造

關王廟在東北隅今改程侯祠

鄱陽縣志 八卷

學校 六

晏公廟在南保坊 圓明寺 在一都十五畝

湖源廟在二都四 鳳凰庵 在四都

鄂公祠在十都一 寺嶺祠 在十四都一二

魏氏祠堂在十五 馬頭山 在二十八都

峯林村在十八都 時山 在十都一畝

渚田寺在二十都 東嶽廟 在二十都一畝

僊姑廟在二十一 淨土庵 在二十一都

元明寺在二十一 永興庵 在二十都二畝

萬興庵在二十四畝 遙峯山 在二十都二畝



靈岩神祠 在二十四都一箇

林院庄 在二十四都二箇  
已上係明萬曆二十一年建

按明洪武八年詔立社學其基屋不可考嘉靖年間知縣徐俊民毀邑淫祠為之屋垣完葺僅五所後圯壞萬曆二十年巡撫陸萬垓申飭建勅本縣姑就祠廟舉行今亦併紀其處云

按衣食足而後禮義興此社學所必講者明洪武八年始詔建立後復申飭之卒無定所時依寺廟設教此亦從權苦心也百工居肆以成其事况學者乎且今日小學

鄱陽縣志 八卷

學校七

全不講究是小子無造成人又安望有德曾聞先輩舒番江載道少時于祭先聖日見大守出對奧小子云雨滋培草綠即計曰日映觀桃紅大守異而詰之曰觀桃紅即玄都觀劉禹錫語也太守知其非常器遂教誨資給之至于成就此以社學發跡者也且聞縣侯毛孔輝有古道視民子猶子聞問問書聲輒下車訂字為正句讀民甚德之甚或察其師之未亮以佳者易之此最快人且社學生教之歌舞亦見里巷絃歌之風在文廟祭日所不可缺者此說似為存羊未必不為異日存禮云

典籍

前朝頒降制書 在縣多散佚

大誥

祖訓條章

諸司職掌



明律

醒貪錄

稽古定制

洪武禮制

禮儀定式

禮制集要

瘴惡錄

孝慈錄

輔教錄

明律誥

繁文鑑戒

明令

醒貪簡要錄

到任須知

表箋體式

戒教功臣

警頑集

行移體式

為政要錄

禮制榜冊

勸善書

古今烈女傳

行移減繁體式

諭文武羣臣

鄱陽縣志

八卷

典籍

八

收儲書史

在學多闕略

周易大全

尚書大全

詩經大全

周禮註疏

禮記大全

春秋大全

論語大全

孝經註疏

左傳註疏

小學註疏

資治通鑑

性理大全

洪武正韻

五倫書

明一統志

禮儀定式

列會典

卧碑

各代史

四書大全



附按儒學殿堂齋廡節經修飭規制漸新  
獨名宦一祠至今未舉不可謂無其人前  
代亡論明初鄱令若端侯冕任侯勉劉侯  
渙徐侯俊民毛侯孔墀陳侯思忠遺愛在  
民已見傳略卽丞簿中亦有口碑未泯者  
鄉賢雖有主位迄無端宇亟宜創二祠舉  
名宦相匹庶爲完典舊額東湖魚利課外  
量納燈油分助諸生嘉隆間始有浸漁今  
且廢格學租歲收亦漫無查驗故皆畧識  
于末庶幾愛禮存羊之意云爾

鄱陽縣志

八卷

典藉

九